

譚

墟

堂

摘

稿

鐸墟堂摘稿卷之十九

明光祿大夫太子太傅工部尚書豐城古和雷禮著

詩一

贈蘇寒村知瀏陽

長才大略實堪誇試宰南翔去路賒共許壯遊追
赤壁不妨年少到長沙春回寶蓋遲群阜水遶風
巖足萬家更有趣山遺灘在歸鴻樓上倚雲霞

館閣初試應制秋日書懷

日行西陸凝秋色節序頻移感睿思馭遠不忘周

武略臨風寧羨溟宗辭但忻多稼盈群圃坐使飛
孤肅四夷獨愧小臣勞側席何因夙夜答殊私

贈羅半窓補四川兵憲

中朝節制下蓬萊蜀道迢迢驛使催千里旌旗懸
玉峽萬年社稷倚金臺高天鷹翬迎秋擊棧閣風
煙待日開莫謂書生只俎豆從來三代有遺才

贈來菲泉知奉新

曾折南宮第一枝山城何幸挹光儀未須藤閣堪
為賦且喜桐山可勒碑瑚璉自應成廟器驛韶端

不因塗泥愧予獨切繙衣好文節動名是所期

贈謝少溪知雄縣

古雄重地控幽薊建牧歸須拔異才水溢共希昭
遠至民流應待舜卿回積錢奏下常平懷古時
登均樂臺施日鶴書徵侍從坐着鳴珮步蓬萊

贈劉沙溪知龍溪

閩鄉窮盡入清漳離別其如道路長渤海近臨飛
躍閣翠峰斜抱水靈臺未論棲鵠思柯述且可觀
風舞紫陽況遇聖明臨萬里徵書端不後循良

贈趙以理知仁和

仁和地勝映錢塘湖上風煙引去航危閣遙分天
竺景清齋時挹雪峯香路通水陸開煙雨俗向浮
屠繞畫梁莫學風流蘇判府只栽桃李不栽桑

贈李抑齋知番禺

番南禹北自天成古祀蕭揚二令名豈謂貪泉能
變質須知窟宅可留聲闢中運甓思陶艸江上投
珠憶李卿此去御屏書姓字共驚旌錦下羊城

贈沈寒村知羅田

羅田東鎮控黃州更羨名賢復此遊興到不須尋
赤壁政和何必慕霞樓平湖關外堪留轎石柱山
前足買牛莫效使君惟百日空餘詩句滿丹丘

贈吳思誠知宣城

聞道宣城景獨樂吾君雅志切民憂謝公詩在無
留筆林令門移有鐵牛山入敬亭常北拱水環響
峽自東流此行好布咸和澤豈獨臨風嘆北樓

澇河道中

解纜河灣斗正橫聲聲畫鼓遙王程狂風忽送子

山雨遠浦還稽半日行目斷鄉關無鴈過心懸冀
闕逐潮生黃昏自橐迷前路雲外亭亭孤月明

舟泊天津

天津東鎮接

皇州關府屯兵據上游飛輓遠通千里首歸潮同納九
河流風傳鼓角金聲肅日照樓船辰氣收自是
聖朝恢遠略遍令此地作金甌

次滄州觀毛公井

共言北海多鹽井毛令何為水獨甘畢竟民卽

盡孝此心此水兩無慚

次東昌訪仲連臺

南行役役抵聊城高士臺草自生輕世不迷遊
趙跋危言獨却帝秦名鵬飛海外秋天迥鴻舉雲
間逸氣清更羨蟬書先上箕何勞百萬老齊兵

次濟寧登李白酒樓

古今多少清狂客此地空餘李白樓醉裡乾坤難
盡畫何須麗藻寄閒遊

登歌風臺

舟經汴泗水交流獨上歌臺壯勝遊欹向沛中詢
父老大風不是漢家秋

彭城野眺

古徐四塞據中州幾度詞人說項劉我獨漫懷城
下水不同興廢自東流

望雲龍寺

遠眺雲龍寺孤亭絕北岑落霞奔岫遠怪石卧苔
深楚客能談法山僧不解音何因坡老與對此賞

同心

過留城

逐鹿功臣盡列侯子房何獨足封留定知藏拙師
黃石辟穀松山得自由

謝王筆峯太守

長淮却阻據山陽更喜專城得茂良卧閣久聞師
汲黯開倉端不後蘇章宴花樓上董風細攬轡亭
前幽草香獨喟海陬難卧轍文光已射斗牛傍

謁淮陰廟

杖策歸劉事亦危登臺重幸受殊知鎮齊已訝迷

先著蹙頸何為復後期隻手功名如浪迹百年世
事有餘悲古來明哲由多學湖上于今憶范蠡

揚州志感

古紀一揚同二益繁華滿目聞新粧可憐土價黃
金盡總在清彈九曲傍

吊迷樓

久聞煬帝建迷樓到底人迷仙不迷水調未終哀
怨起草塘空聽杜鵑啼

謁董子祠

史稱漢武崇儒術何事江都屈大儒畢竟好儒惟
好假元功初是市中屠

又

走卒共知尊董傳却於義利獨茫然假如董傳生
今日誰道王官是大賢

渡江

到江地盡揚州界南岸遙臨北固城鶴寺已無劉
宋贊蒜山還憶武侯旌旗連大海三吳迥日映長
空萬里明天塹自應嚴保障何人擊節策神兵

謝來菲泉

抱病南行促去航，暫依茂宰泊雲陽。
葛洪地近餘丹竈，慈濟名存有藥房。
禱飲乳泉隨疾愈，坐聞清話覺身強。
總因醫國如醫疾，願借千金肘後方。

謝鄭海亭

遙望錫山拂暮煙，逢君意氣更留連。
連坐迎庭外無邊月，且味寰中第二泉。
堂揭漪瀾緣嗜淺，政閑古調但思玄。
清談夜盡椎文火，張令原來不愛泉。

懷季子廟

舟入姑蘇懷李子史稱博物古無雙觀人自合思
王季守節何湏附子臧共許風高吳地重豈知身
後越兵強幾回娃館畱餘恨總為越陵慮不長

吊吳都

清晨遠眺闔閭城往事傷心自不平響屩廊空荒
蘚冷採香徑靡落花輕亭開鑑井留僧汲苑築虹
堤無鴨聲更矣臺高三百里如何不見入吳兵

慰黃寧峰

伊昔同射策遭時俱見收君獨振高翰南翔入長

洲一命敢言易寸心托清修方期騫萬里羽儀資
皇猷詎意中跋蹶舉目橫戈矛兼之下石者黃金
隨鑠流清夜增永嘆瞻星倚斗牛終有明月至照
此不驚鶩

謝黃野塘

嘉禾負海控江淮文物還同十二街人羨魚鹽稀
訟牒水饒秫稻足生涯橋邊五柳清風遠樓外重
湖景色佳更聽演之多岐績王公應記樂全齋

寄董晴溪

共說塩官恩魯直使君今日振餘風溉田復見開
涇利備旱寧慚耀種功定有邑人刊十異不勞自
歎嘆三同撫琴深處閑相憶坐聽知音徹海東

謝大參洪西深邀遊靈隱寺

蒼蒼古寺瞰山中九里松聲徹碧空湖到晚來還
浴日亭臨高處不辭風野禽對語情偏切芳草無
心色自同我亦苦詩如老宋遲吟何處扣禪宮

遊釣臺

光武飛龍正在天先生何事卧蒼煙錦裘不似羊

裘暖肉食何如藿食便自信功名非渭叟聊依泉
石學梅仙閑來岸下看流水一笑狂瀾幾覆船

巍巍炎鼎千鈞重何獨君王重一絲勁卒未能驅
薄俗朱衣那可混深泥政資丹荔開香火豈為冥
鴻惜羽儀他日名賢并黨錮因垂釣有臺基

謝黃亦齋

衆羨蘭谿麵米春寧知德政更堪親洪卿騁驥還
千里汪令疏渠活萬人雲入佳山饒古樹春生澗
水見遊鱗我來入室當明月對飲清宵無雜賓

謝袁韶江太守

三衢地勝通閩越刺史分符得重城
二十年前有此夢六千頃內足遺耕觀風始見崢嶸狀對郡還
餘坐嘯聲清獻門前風不遠可無政績繼芳名

常山行

征夫盡訴常山苦水陸交衝達四五里甲無名斂
箕錢半歸縣吏半歸府白身力擔過峭峰氣喘暫
休崖下樹狂風忽忽蔽晴空萬壑奔號捲猛雨破
衣濕透侵寒膚在山中難謝主夜深寂寂迷前

途遍地敲門盡閑戶平明一一付官家遲遲反拂
官家怒忍饑死氣及暮還急向掘妻理散粧更闌
吏卒復催徵赫說大官猛似虎陸行壅積無人覓
且復下流擣破船沙明灘淺如旋磨信宿依然在
水滸乾餗已竭不勝勞匍匐低聲叩市賈非錢市
賈不肯賒目斷北來何踽踽此行異日方交代又
恐官家到我土

度分水關

遠入閩中第一山連峰不下王門關地分南北開

重陵水界西東逐急灘風送浮雲無定住樹迎倦
鳥豈忘還謾言越道難如蜀海日天邊近可攀

贈侍御章介菴謫建寧推官

幾年戴豸啓金闕何至司刑佐右驛仙鶴巖中藏
諫草米簷洞裏結書庵官卑共信心還北地遠應
知道亦爾我亦觀風問石使莫言世事此君諳

過福州

八郡永冠萃越城喜無遊沼恣娛情北來山盡海
門濶南去川叢地道平拱極樓端留宋肇正戈堂

金文
畔憶韓旌何人小試經綸手坐使烟瀛盡日清
志懷

守閩
羨紫巖張孝母仍存眉壽此日波心扶
母渡荷因擊節繼遺芳

抵興化卽事

莆中秀氣藹如春今日登臨見赤貧方稼否因嫌
地瘠讀書靈為惜家貧瓊多君子同東魯里有仁
風社入閩閑對荒堦無宿牒獨依紅日憩斯民

捧檄校取莆田遺才

鬱鬱欝欝槐陰滿院隅
臨文何幸校生儒自慚俗眼難
知孰敢謂私心獨好竽
海底遺珠還入握雨餘寒
木復回蘇願期萬里振鵬翮
莫向中流失一壺

秋夜臺院卽事

八閩大比選闈開捧檄親登御史臺
學愧經囊專屬草明非秦鏡更輪來
棘門涼露迎槐滴海日秋風帶漏來
自是聖明崇重典誰人敢用不休哉
越省儒科一一開古今多少到蘭臺
但求入彀通三試何用為官擇四才任道
豈無真氏出入朝應

有李綱來獨慚化筆非吾任每誦雄文嘆壯哉

謁先翁

祖遠煥劖躍延平潭中化為二龍先太祖亦守延平俱有祠今理刑過此故志感云

扁舟南下入鍾池溪水清明激險巘劖化雙龍餘寶氣澤存五馬有名祠萬年血食瞻依切一命思光際遇奇烏石山前重顧望好持清白繼家規

署泉州府印

共說溫陵多精案獨推拙直署專城講經已愧非

梅老勤職何能並俊卿架上塵書還自檢堵前淹
獄逐時清閑來漫訪先賢迹為治誰思安靜名

泉南自古稱淳厚翠嶺齊雲鎮郡城持節但知求
易俗抱琴敢謂共思卿正愁境內饑多瘦何忍堂
中暑獨清更憶西山能止訟總因揭示各知名

吊李抑齋憂居

昔誦歐陽拜墓詩黃昏啼鳥不勝悲君今痛母哀
傷切忠孝祠中可續碑

惠安久羨崔門貴李氏子今有二難瑚璉總為廊

廟器九泉深處自含歡

謁朱文公祠

路入同安憶晦翁軒存高士有餘風可憐今古臨
民者弦誦甘輸一簿功

永春道中

永春僻在萬山中俗視清源迥不同鳥嶺孤松如
奮翼雲峰突兀若浮空魁星巖絕吟書影環翠亭
無落帽風獨幸鬼峰連錦繡至今環抱邑衙東

安溪道中

斐溪山峻路多硝水色如藍不可窺遠岫南騰聯
駟馬神峰西插掩靈旗鶴翻重路千松滴虎嘯疎
林萬壑漸莫謂鄉村空枳棘燃香猶赴戴丞祠

德化道中

山連德化映秋晴奇秀玲瓏列翠屏隱隱踏花雲
外入迢迢人自日邊行鳥樓古樹還相語猿抱深
松却不禁何處玉簫吹絕澗輕風遞送遠來聲

入南安望姜相峰

姜相峯前暫駐旌白雲亘亘鎖遺笙裏中正氣原

非賣喉下逆鱗自敢嬰道在不論三省貴志行何惜一身輕獨憐此地多分牧今古空餘別駕名

駐晉江謁韓忠獻祠

共誇魏國降生辰血食千年廟貌新十室豈無忠信質荷甘自棄愧斯人

公行漳州

東南際海是清漳滿目煙濤晚色蒼鎮表梁山分楚望水環赤嶼盡閩疆仰高書院流風遠喜兩城樓秋思長教向自來由刺史何人蔽芾咏甘棠

入長泰

長泰昔為武勝場盤根西北有良岡蒼烟出沒迷
山嶺古木蕭森隱道傍度險忽看天宇近臨深又
覺水源長謾言俗故多窮陋仁智亭前憶自強

政暇課荀士

環橋濟濟盡儒巾定有唐朝第一人暫向囊山尋
隱豹時從蘭水浴遊鱗文章已慶堪華國勲業何
憂不及民求志先須明聖學古來屈蠖待時伸

同許兩山諸寅大眺壺公山

老翁一去倚雲鵬何事青山獨得名每望全虧占
氣候更於盈縮卜潮生日錦翠嶺紅光迥風靜蒼
巖景色清幸與高賢尋勝迹五奇應有四難并

憇囊山寺

征車暫憇囊山寺塔對重巖亂雨花石伏無人曳
虎尾澗深何處制龍牙滿天黃葉驚塵土院
松映落霞靜坐更闌干劫盡只餘文火共燈茶

蓮峯吟

蓮花峰上銳奇石孤徑橫梯凌倒壁桑田世事多

幻茫誰處巨人遺履迹棋枰一局已成空茶竈雖
存無火炤窮探研讀仙篆文歲久蒼苔侵石畫桃
花塢內春自花洞銷深嵐絕燕隻淘金一去不回
來說復粘蠟占窟宅山靈欲扣杳難尋飲舊白雲
埋咫尺

度木蘭陂

傾貲鑿石築蘭陂年古常存長著相欵向翁中詢
吏治落花飛絮有餘悲

題焉石山

烏石巖前存古謹巖來官聯滿朝端要知地勝由
人勝總在三賢祠

同許兩山遊城南寺

靈巖寺畔草萋萋名勝當中出御題風送鍾聲空
谷客日移塔影亂雲齊公權筆法藏衣鉢鄭靈芸
香魏叔叡我亦尋幽追古迹空餘詩句付招提

訪爽深草堂

夾漈先生味道真著書總為百年身鄉翁俎豆精
靈在寧羨楊雄却美新

入平海衛理久獄

孤城接海絕魚羣
境曠沙深草色枯
坐聽潮聲搖半壁
旋看日影隔蓬壺
觀風但冀心無歉
澤物方知願不孤
獨嘆荒隅生意竭
中宵誰為起鴻圖

入福清懷鄭監門

半年兩度玉融隈
襟鬢簪監門屈異才
共羨繪畜勞主嘆
不妨違世重群猜
滿腔忠赤天心眷三日
甘霖宋運回何獨秉樞
其誤國浮生殺役委殘灰

入萬安千戶所平久獄

早發洪巖入萬安滄溟杳若帶微寒中華地盡海
門濶異域雲來天宇寬猶教無人懷舜禹觀風誰
為黜申韓夜深烟燭對明燭掩淚應憐發丘姦

署仙遊縣事

連年漳盜擾仙遊捧檄親臨正杪秋飛鳥山前敦
孝子鍾鑪獄內出冤囚景陽敷教非拘類昭度編
差有定猷坐到無言閑晝永時來自日照山頭

因上官多遊九鯉湖志感

幽明一理本無尤舉世紛紛夢裏求衆挽肩與拔

曲磴自甘經宿混沌丘刲來積禍難更福何至生
疑復益愁悞使九仙如有覺聰明寧不為民謀

福寧山中

晨發鳳山巔孤騫如鼓翅蟠根接看膺天姥點蒼
翠霍林有洞天鄧楷授玄闕九轉乘龍騰千年留
福地樹杪鶴巢懸下臨仍欹墜萬尋峻難扳緣崖
用繩縋余民自嶺來吁吁同猿戲呵聲漫不驚舉
手叱從吏忽凌干仞圖捕風躡飛鷺從之度半峋
且行復且跂力竭問途程共言近可至龜勉最上

層逐步累寸積連峰切雲端益覺心惴惴喟嘆了
業緣豈惜名與利此去豈徒然為山收一賓

清鎮東衛戎務志感

我

朝設衛為防邊何至承平却罔然不學彎弓飛白羽
偏教縣課歛青錢紗燈競織三吳錦火樹連開二
月天更許黎園多小部何人臨陣敢爭先

入長樂

長樂臨西有十洋太平巷石接牙牆枝奴久羨江

家綠未品猶矜紫草香山拱四明無疊嶂水通三
島卽夷鄉欲尋航次懷吳主何處觀兵觀劍芒

清梅花千戶所戎務

荒所遙臨大海隈飛沙不見長蒿萊城邊風浪隨
潮入嶼外蜃烟帶雨來疲卒難勝投石任紈童豈
稱備倭才獨餘欠負空屯額黃敘逾時復白催

清刷福州中左右三衛戎卷

三衛盤牙列會城百年玩愒話承平屯糧積貯無
逋戶戍鎮荒虛不列營平盜豈知思薛帥黜貪誰

為學直卿幾回海上空遺恨目極倭船盡日橫

吊啓運宮

此地何移啓運宮建炎兵後日忽忽共憐故國棲
芳草獨駐閩山對晚虹海濶已安南渡楫風高不
送北歸鴻遙知汴水依然在汨汨長流自向東

入連江

踏入連江盡水鄉重尋佳景又回翔石門煙鎖餘
禪褐瀚海潮來繫客帆學道未須追壽老斷蘆何
必吊秦皇獨忻短豆存劉蕡萬木叢中自薦芳

清定海千戶所戎政

定海孤城接島夷滿天滄浪撼牆陴雲臨水曲巖
千疊霞散山椒鳥獨飛靜柝已憐空蟲吟荷戈敢
謂食糠肥此行采俗需籌略杜漸應知在未危

過羅源訪余少傅祠

大寧祠堂杳靄間溪邊流水日潺潺害民獨悟言
花果忤主寧慚老故山堵下蒼苔晴日照庭前古
檜白雲間源江風景如前宋何至賢聲後莫攀

勘寧德海田

稻田成海十餘里愚民紛紛訴御史不為畫策處
浮糧却欲興工塞海底兩岸淪崩五丈深獨積流
沙時中沫潮來依舊滿烟濤何處容身秉耒耜但
教甃石捍下潮豈知無地洩上水牧司繆議建閘
門洩水難使潮不起傭錢編戶及無辜共怨未饗
先破錡藩臬腹非不敢違第推諉不足于此自知
朴實無他腸先察山勢沿委委晚陳不可凡八條
始信狂言非附旨

清矣金平戶所戎政

守禦荒村傍海陬。肩輿艱石苦難休。
水蒸島北新春後，山到閩南最盡頭。
斜日無閑朝自暮，蒼烟不散去還留。
坐依半室驚潮打，誰爲添兵控上游。

入邵武謁李忠定祠

南渡中興第一人，此心無日不生民。
孤忠自許扶三帝，九死何為惜一身。
天與鉄胎逢厄運，山鐘間氣應熙春。
辨否展拜無窮恨，經略規模阻賊臣。

辭母墓

起復墓前易素衣，白雲猶自望孤飛。
明朝奉檄辭

金華志稿卷二十一
庭舍不見叮寧道早歸

寺曲志感

縱古捨田為守寺今人毀寺却謀田畱畊曾似心
田父何忍算算負彼天

清獻持香每夜燃盡將行事告蒼天閑携琴鶴猶
留迹敢向僧家問寺田

辭逆產

家近豐山遠市塵絕無聲色擾樽前蓬生麻內身
還且自遠泥中豈變玄詔後但令師儉德提身敢

謂負舟田亦知興廢如形影此產後來樂慙遷

哀悼詩

縹渺因風訃哀聲徹北林淒淒不可辯恍若孤鳥
吟遺腹八九子哺之情彌深雛成覩儀羽阿母下
重陰晤言增咄咄為我發悲音

悲音一何苦天命誠可疑塞衽依此鳥影響暮春
追徘徊顧遠道悠悠隔山波回身入空房托夢潛
通之誰令庭樹號泠泠侵寒帷

寒帷不能寐我思鬱且長攬衣獨已久仰鑒明月

金華山集卷之二十一
光颺起月色暗壘壘被嚴霜落葉滿荒墟
以傷中夜望牛女何辜限河梁

河梁不可渡遊子暮何之明葬山之嶺恨恨步難
移白楊夾墓左逝水激清池中有哀猿唶臨崖長
我隨誰謂分異類不見悲別離

別離傷我曲惻惻愁無聊重之叫花鵠血啼何曉
曉啼是湘水化湘水流且遙問鵠幾時休鵠準遠
椒條喟然長大息撫心叩冥宵

寒宵澹無色浮雲走西南冉冉滅行跡霓虹騫云

驛萬里去無力如待人負擔負擔不可極觀之令人
慄安得化黃蘖俯仰愧漸

愧漸未云已髡髮萬想平生黃壤猶寂寞蟬媛空復
情隨沒無所益況乃子身輕紫瑩訣危柱絃急發
悲聲嘆息當誰語徒然憎憤盈

眺西山

茲山鎮豫章葱翠自開闢峯嶠凌蒼蒼橫屏如紫
壁雄壓石頭津江流切水清勢與廬嶽齊九疊深
龍宅勝氣吐物華青霄臨咫尺中有蘭若城南連

葛仙塢乘鸞不復面空餘洪崖迹控鶴半閒雲丹
井通潮汐豈無幽人棲浮生委過隙何似南昌尉
先幾照今昔

謝三司邀宴滕王閣

滕王一去幾千載危閣依然倚郡城簾捲蘭花經
雨白窓開山色入空明停盃尚憶延賓意即景難
勝慨古情莫羨三王辭翰勝無言孺子自垂名

入員通寺

員通寺勝面廬山五老峰巒迥莫攀日暮鳥歸修

竹裏秋深人度白雲間未論景物堪成賦却羨禪
林得自閑夕息定心思慧遠空餘澗水夜潺潺

過東林寺

踏入東林境更幽天晴水落萬家秋巖削丹溜隨
溪滴洞口輕烟帶日收六月蓮花無處覓千年鶴
駕復來遊亭空草詩增三笑總為柴桑得自由

憇九江謝張太守

潯陽秀色擅南州何幸停車上庾樓天設五峯南
北峭水分九派古今流堂前草意春還足閣上清

輝夜不收寫景未應淹十日使君聲價重琳球

黃梅登五祖山

昔年五祖昇天處此日真身尚宛然花雨彌空留
幻界蓮峰隔世鎖輕烟但尋苔迹思裴相何用雲
遊學呂仙我亦指存法律訣出僧誰解了禪緣

潛山道中

太湖境北卽潛山三楚東南第一關天柱峯高紅
日早旛臺石峭白雲闊丹城歸去無遺羈秩祀何
人復列班獨有涪翁多墨跡孤亭不負此區寰

桐城吊古

棧陽積翠百山重岫插雲端並兩峯投子至今羞
敗將讀書何地認眠龍盛唐歌處車音歇樗局嚴
中野草封慨嘆豪華如過隙空慚俎豆一司農

燕鎮淮樓謝蔡可泉

振衣直上鎮淮樓舉首青冥入望幽煙起萬象環
勝地山分四頂控中州政和不畏官三至興到何
嫌客再遊獨嘆柳洲春未到空餘荒草度深秋

中都望萬歲山

萬歲山頭旺氣鍾

高皇於此昔潛龍甫通直接荆吳地內拱平分日月峰
王帛同文光禹績山河一統盡充封小臣仰飲昇
平澤幾度長淮憶

聖蹟

渡淮遠眺

淮南今古一都會何事蒼痍滿目愁千里蕭條成
護落萬家墟并切啁啾謾言有地堪采黍自是無
人愛犧牛楚相尋波風不息可慚王鄧繼前修

謁閔子墓

古木森森環古塚
翠名千載重丘磐
更知汶上清風處
猶是初心只耐寒

徐州即事

征途戒晚發
徒役雜徐州
鑿井披沙礫
驅車挽馬牛
誰開花石貢
翻失稻梁秋
臨路空躊躇
嘆雲飛一片愁

望薛城

頽垣破礎沒柴荆
行路猶知古薛城
回憶春秋爭

金文卷二十一
長日秋風冷
泠徹悲聲

訪滕文公祠

每讀軒書畧世子并田仁岐實堪行畢來一去無
消息荒草淒淒滿故坪

望澤山

刻石山原逸氣雄
歌垂帝業益蒼穹
可憐靈輶衰
聲切大澤龍歸萬古空

謁孟廟

七篇仁義昭千古
末學何湏重費辭
讀到遺編深

省處良知在我有餘師

兗州登眺

嶽樓自昔倚城隈誰令呼爲杜甫臺地勝不因詩賦勝岱雲依舊入東來

謁伯牛墓

閑編痛瘡心斯人展拜忻看廟貌新德行已居顏閔後墓前猶柏自千春

悼三歸堂

一匡功業浮雲外臺北空遺塵夢間恨望豪華何

處是城闕遙隔翠芸班

宿高唐聞歌

夜來隱几意如何庭外遙聞唱和歌細憶綿駒人
已去誰令風吹入齊多

德州曉發

夕到平原息斗城晨明馳驛促王程宿分青冀天
為界河會漕漳來自盈沙浦遙連千里秀舳艤橫
渡數帆輕可憐孔道難支力為政何人是阮卿

瀛臺春覽

瀛臺高聳幾登臨四望平川擁翠林西麓大符鍾
氣厚東瀕滄海發源深布桑何處暮思采出粟誰
入學琴參獨有廣川名不朽連村古木自森森

新城道中

新城直接受古雄州遼宋分疆界白溝北控燕閼占
地勝南連趙鎮嵩河流新昌故址今猶昔駐驛閑
莊春復秋慨嘆徒珂偏割險幾多詞客空餘愁

涿鹿懷古

涿鹿南橫督亢陂行人道上有餘悲地當已向三

秦進壯士何為無返期

又

華陽館地草萋萋
寄馬羨不復棲
回憶展臺蓄
霸日月明深處有鳥啼

京寓志感

歲晚北風號
雪花正盈陌
喟此冰玉姿
未堪家多厄
光載守一官
塵紛空役役
役後時倦始知旅
懷日蕭索
寒氣籠
舊衣暮雲
輕半壁呼童
復擁爐無奈
火不煖
坐想柴桑翁
洗心默周易
久之更漏殘簷

際露微白清光此故人萬象同蒼碧

卽事

聖駕南行缺科道辱時幸雅薦及期不赴選

耳目從來重諫臣非才何敢負陶鈞看花臺上應
多伴奏草墀邊宣為貧乞起潛龍還獨見時來屈
蠖自能伸莫言腐拙無他技須信斯心却認真

贈陳允昌補桂林節推

理刑君問理刑人熟道雖由豈足論獨有一輪明
月在不教塵穢愧斯民

氣節移移遠拜郎桂林深處拂秋霜可憐多少朱
衣者何似裴丞一炷香

苦寒行

北風颯颯暗閣出雪舞長天淒涼列禁鍾聲教玉
鴉歸迎日簷頭銀箭缺促邊楊柳怯春寒江上老
梅愁吐蕊隔鄰故舊城行蹤久客敝裘溫不熟
童弄盃復擁爐忙把錦衣縫破裂緬懷西北戍樓
人多少嗷嗷填溝穴陰崖窮谷未見暉晝角千城
轉哽咽連年斗米升斗錢沈復東南生意竭眼前

京兆半苦餓值此凍雲面無血夜來感嘆寫新詩
無奈冰凝免穎拆燃燈達旦不思眠直為寸心同

漆室

感慰

嚴寒蔽長空淒風徹破屋亭亭舍北梅不羨春榮
木吐馥綴冰姿晚芳良可嬌始知天道仁原自剥

中復

感懷

日中望

仙闕珂珮雜蓬萊，冲融邁三五。況復施雨雷，東風變芽
茁。澤流罔不訣，顧我徒名役。悠悠七載來京兆，度
寒食歲晏空遲迴。且言任倚伏，把酒咏商陔。

池蓮嘆

理刑廳

亭池蓮何嫋嫋，秋風歛汝汝不懤。汝有丹葩綴綠
房，朝飧湛露荷日了。國香曾不藉薰鑪，靜中只爲
人知少。豈如三月楊柳綿飄飄，直度瑤池表。

復補寧國理刑

古誦宣城少諍詞，何妨折獄有民欺。臨高父老雙

溪閣觀俗應思德政陂風送鳥書傳杜句日移樓
影續梅詩定知地勝曲人勝莫效延之嘆一塵

發澇河

昔年持節賦南征今復重行入澇城過驛不嫌官
職舊買舟猶覺客帆輕金須百鍊堪成器弩任千
鈞可受檠葵藿但知隨日向何勞轉送趁前程

阻德州謝陳灑山部使

衛河一帶阻行舟共道徵夫迓

聖遊午夜坐看滄海月經旬空對鬲津流聞蘭已辱垂

青眼清路重勞備絳騶傾蓋莫言如故舊湏知高

義董嵩丘

泊徐州

輦牛輸運雜飛堠督使遙傳花石來肉食已聞加
祿厚誰將民隱達金臺

儀真別廈東溪司諫

數載同輿樂接茵憐君獨向秣陵春雲運青瑣光
儀重日照金明服色新正喜務闢堪起草何湏地
近可謀身古來獻納無奇策大體應湏學伯淳

入采石謁李白祠

清晨展拜謫仙臺天啓明皇一筆才古代文章從
此續千年香火自誰開疎雲晚度孤岑樹細雨寒
滋曲徑苔蘚憶豪華何處覓青山隱隱鶴飛來

涇寧國志感

昔年讞獄奉庭簷今入陵陽涕莫言暮出無因懸
倚望平反寧復得加飧未論騫鳳還樓閣却愧歸
鴉自識村日極江山空役役幾廻夢裏徹征魂

望敬亭山

敬亭聳翠與天齊。滿目花情鳥盡啼。紅日遙臨明上界。翠烟合沓帶青霓。天地連吳越。三峰小。山控徽池五嶽低。獨憶謫仙留秀句。何如俎豆薛公隄。

同郡長曹鳳因集疊嶂樓

樓上風光樂古今。春情秋思共登臨。雲移山外橫千里。日入簷端半。尋境勝不須賡謝。司溪清何待。學蘇吟。從來此地多遺愛。總為推人只赤心。

野宿

敬亭雪初霽。宛水日淥濶。倚棹欲南放。澗灘巡阻。

修行行入清底蒼波微烟收倏忽曉西旭捲地苦
石充加之寒氣凜何啻感百憂安坐問漁父母乃
名利求漁父不可即空愧白沙鷗

次太平懷古

久聞姑孰扼東南幾度詞人弄筆談山拱天門流
碧水地臨牛渚擣晴嵐綺歌難覓桓溫調竹徑誰
尋李白菴獨有清風吹不盡時來習習繞征驛

次池州望齊山

南望齊山乍有無何因與客復携壺凌雲絕壁寒

如削統逕流泉曲自紓二氣肇開分十嶺九華東
引甲三吳愧子未了塵紛葉即景空懷插菊區

度徽嶺

振衣微嶺望群山萬疊峯巒積翠間却訝王維真
畫絕何如烟雨拂塵寰

浮雲扶我度深山鳥道繁紜複嶺間看破浮名如
幻界寧須得失逐區寰

次徽州公幹志感

新安僻在萬山中豪健相高處廻同遺愛已無傳

正澤滌煩寧有叔孫風祇因四寶多增勵誰謂三
章可發蒙既駱從來多治績幾回問政向城東

迎送梓宮

南依

聖母過池陽水靜波恬達帝鄉法簿遠宗周典禮鳳舟
何羨漢儀章化行江外流光遠日照郢中慶祚長
奔走敢辭筋力竭由來此義重三綱

廣德勘事

秋深捧檄入浮城詭俗置豪侈訟聲委曲教言湏

金戈銅甲
諭學往來質獄自書屏但明王介非私黨敢抑平
民却鑄兵聖憲昭昭如白日幾回燭下死求生

起復志痛

昔年痛母謁新阡嚴訓諄諄酒半箋一字于今添
一淚逢詩敢誦蓼莪篇

送王龍溪兄致任

甲子緣過五十春羨兄勇決脫紛塵賦成松菊猶
存日乞得君王未老身養石爐邊調瑞鷄讀書窓
下撫祥麟謾言宦轍無休者羅阜子今覘一人

北上謝巡撫汪東潭

六年兩度豫章城官職依然只舊名下榻重勞歎
孺子湏知古義復今行

次舒城謝周明尹

路入舒城迥不群野纏斗度見星分址連濶頽通
淮漲南控荆蘄絕楚氛鹿起山前藏世鉢龍眠菴
裏有遺文相逢忽見今孫宰高義應知薄白雲

徐州志感

彭城古俗好賓遊何至蕭條盡瘞憂苔井不留皇

甫韻急灘誰放老蘇舟雨多荒草迷樊巷河決浮
沙上址樓獨有石人遺道側幾經興廢不知愁

次東平謝王明府

昔聞馬使建溪堂饗士登歌幾曲觴今對歲寒亭
上月清光何羨玉爲漿

鐘墟堂稿卷之十九終